



# Tuhaqtipkaidjutikhaq

## Tuhaqtitauhainaqtukhaq

### Angmaqtirutaa Mittimatalingmi Nunallaami Tulaqtarvia

**Mittimatalik, Nunavut (Taaqhivalirvia 26, 2022)** – Ippakhaq, Kanataup Kavamanga ukuallu Nunavut Kavamanga unalu Haamlatkut Mittimatalingmi, kuviahuutigijaat angmaktirutaa Mittimatalingmi Tulaqtarvianik.

“Tadja quvianaqtuq. Una tulaqtarvik ikajuutiginiqtaataat nunallaamiutanun qajangnaitqijamik qajakturiami ikajuutigilugulu piliurutikhanun nunami avikturvingmilu maniliurutikhanun,” uqaqtuq David Akeeagok, Ministangat Pivalliajuliqijitkut Ingilrajuliqitkullu. “Quviagijavut pidjutaujunun paanariirutaanun ukuallu Kanataup Kavamanga aliahuktugun hivun’ngani havaqatigiigutikhanun kanataup kavamanganun havaktaujaanginnik ihuaqhijuumilugillu tariumi tulaqtarvikhanik aallani nunallaani.”

“Nunalingni Kavamatkunillu Pivikhaqautikkut quviagijaat ikajuramik ihuaqpiaktumik iniqtirutaanun mikijumik qajarnun tulaqtarvikhamun ihuaqhijuumijanullu tulaqtarvingmun Mittimatalingmi,” uqaqtuq David Joanase, Ministangat Nunalingni Kavamatkunillu Pivikhaqautikkut. “Ikajuutit hanaqidjutinun aulapkaidjutikhanik uumatun ikajuutigijaat maniliuqpallianirmun hulilukaaqhutik nunallaani pidjuttauvluni amihuni ikajuutikhanik nunallaamiutanun. Havaqatihimmaarutigijumajavun Kanataup Kavamanga havaktaujaanginnik aulapkaidjutikhanik nunami.”

“Kavamarijakkun quviahuktun ikajuqhugin Mittimatalingmi Tulaqtarvikhamun Aulapkaidjutikhamun Havaktaujakhamun, ikajuutaujuq niqikhaqhiurnirmun, atuqtakhanun aullaagtittinirmully aquijunik pidjutikhainun Ukiuqtaqtumi Qikiqtaani,” uqaqtuq Dominic LeBlanc, kanataup Ministanga Kavamaliqijit, Aulapkaidjutikhanun Nunallaanullu. “Aallan’nguqtirutikhaq piquitikhaq ikajuutauniaqtuq maniliurutikhanun ihuaqhijuumilugillu tamainun qajangnaitkutikhanun tariumi hulilukaaktunun aviktuqhimajumi.”

Una havaktaujakhaq pihimajuq ilaujunin manikhaqaghuni, taimaa \$30 million Kanataup Kavamanganin atuqhugu Nuutaanik Iglukharnik Kanatam Maniktarvikharnik – Nunarjuami Aviktuqhimajuni Havaktaujakhat, unalu \$11 million Nunavut Kavamanganin.

